

Mud Volapüka

Nüm 48

17 mázul 2017

Sevols-li, das ... Kanadän




1) Kanadän binon län tö Nolüda-Merop ä län telid gretikün vola e labon: jolalieni lunikün pö vol, lakis mödikum ka läns votik pekobosumöl, dötumanumis 9 flifavati vola ä flitapofis 1453. Püks calöfik läna binons Linglänapük (nataspikans balions 25) e Fransänapük (nataspikans balions 10); devid calöfik: “De mel jü mel”.

2) Kanadän ilonon stäni netik benosevädik okik te ün yel 1965id; jü tim et no labon stäni netik.



3) Nat Kanadäna binon vemo distöfik: stägs balions 2.4, povabers mils 15.5, sots ze mils 50 näsäkas (samo, sots ze mils 11 raänidas).

4) Kanadän jafädon dötumanumis 1.5 fida valik vola, ab konsumon te dötumanumis 0.6; dötumanums 77 zaärasirupa pajafädon pö provin ‚Québec‘.



5) Dötumanums 42 Kanadänanas labons dugäli löpatidik u niverik.

6) Bai registarabuk telefonik netik famülanemu pöpedik pö Kanadän binon ‚Li‘. Kanadänan lulid alik pimoton plödü län.

7) Kanadän idageton libi lölik dese Greta-Britän te ün yel 1982.

8) Kanadän labon cifazifis 8 distöfik:


,Ottawa' binon cifazifu bolitik



,Montreal' binon zänädöpu kuliva Fransänapükik Kanadäna, voga e prodama kaenavik (b.v. i binon zifu telid gretikün Fransänapükik po ,Paris')



,Toronto' binon zänädöpu kuliva Linglänapükik Kanadäna, cifazifu konömik ä zänädöpu teda leböbik e yümetama tedik ko Yurop e Lamerikän



,Vancouver' binon zänädöpu yümetama tedik ko ziläk Pasifeana-Siyopik



,Calgary' binon zänädöpu teda nämetik



,Winnipeg' binon zänädöpu teda nämetik feilik



,Halifax' binon zänädöpu teda zibacanas melik



,Oshawa' binon zänädöpu toodimeka



9) Laf Kanadänanas belödon sülüdo de lien redik peliunöl su magod donik, bi 75% sürfata läna ledutons lü Gladaziläk.



10) Kanadän binon davedöpu gladahokiya, sleifülöma, glufas basidaglöpapledik, bäsetaglöpäda, gela lektinik, parafina, motorasaikula nifik.

11) Stüvöm lunikün pebumöl fa bivs lunotü mets 850 papladon pö Kanadän.

12) Kanadän binon jafädanu e konsumanu gretiküns fromada.

13) Kanadän binon motedalän kanitana jiel ,Avril Lavigne'.

